

四庫全書

集部

欽定四庫全書

集部
韋蘇州集卷二

詳校官太常寺少卿臣陳桂森

檢討臣何思鈞覆勘

總校官編修臣倉聖脉
校對官編修臣陳昌齊

謄錄監生臣張丹昆

欽定四庫全書

集部二

韋蘇州集

別集類一唐

提要

臣等謹案韋蘇州集十卷唐韋應物撰應物

京兆人新舊唐書俱無傳宋姚寬西溪叢語

載吳興沈作喆為作補傳稱應物少游太學

當開元天寶間充宿衛扈從遊幸頗任俠負

氣兵亂後流洛失職乃更折節讀書由京兆

功曹累官至蘇州刺史太僕少卿兼御中中丞為諸道鹽鐵轉運江淮留後年九十餘不知其所終先是嘉祐中王欽臣校定其集有序一首述應物事迹與補傳皆合惟云以集中及時人所稱推其任官本末疑止於蘇州刺史攷劉禹錫集有蘇州舉韋中丞自代狀則欽臣為疎略矣李觀集有上應物書深言其褊躁而李肇國史補云應物性高潔鮮食

寡若所居焚香掃地而坐二說頗異蓋狷潔
之過每傷峭刻亦事理所兼有也其詩不如
五言近體不如古體五言古體源出於陶而
鎔化於三謝故真而不朴華而不綺但以為
步趨柴桑未為得實如喬木生夏涼流雲吐
華月陶詩安有是格耶此本為康熙中項綢
以宋槧翻雕即欽臣所校定首賦次襍擬次
燕集次寄贈次送別次酬答次逢遇次懷思

次行旅次感嘆次登眺次遊覽次襍興次歌
行凡為類十四為篇五百七十一原序乃云
分類十五殊不可解然字畫精好遠勝毛氏
所刻四家詩本故今據以著錄其毛本所載
拾遺數首真偽莫決亦不復補入焉乾隆四
十三年十月恭校上

總纂官

臣紀昀

陸錫熊
臣孫士毅

總校官

臣

陸費墀

韋蘇州集原序

韋蘇州唐史不載其行事林寶姓纂云周道遙公復之後左僕射扶陽公待價生司門郎中令儀令儀生鑾鑾生應物應物生監察御史河東節度掌書記慶復李肇國史補云為性高潔鮮食寡欲所居焚香掃地而坐其為詩馳驟建安已還各得風韻詳其集中詩天寶時扈從遊幸疑為三衛永泰中任洛陽丞京兆府功曹大厯十四年自鄆縣令制除櫟陽令以疾辭歸善福精舍建

中二年由前資除比部員外郎出為滁州刺史改刺江
州追赴闕改左司郎中貞元初又歷蘇州罷守寓居永
定精舍其後事迹究尋無所見肇又云開元以後位卑
而著名者李北海王江寧李館陶鄭廣文元魯山蕭功
曹張長史獨孤常州崔比部梁補闕韋蘇州以集中事
及時人所稱考其仕宦本末得非遂止於蘇邪案白居
易蘇州答劉禹錫詩云敢有文章替左司左司蓋謂應
物也官稱亦止此有集十卷而綴叙猥并非舊次矣今

取諸本校定仍所部居去其雜廁分十五總類合五百

七十一篇題曰韋蘇州集

舊或云古風集別號澧上西齋吟藁者又數卷

可以

繕寫嘉祐元年十二月二十二日太原王欽臣序

欽定四庫全書

韋蘇州集卷一

唐 韋應物 撰

古賦

冰賦

夏六月白日常午火雲四至金石灼爍玄泉潛沸雖深
居廣厦珍簟輕簾而亦鬱鬱燠燠不能和平其氣陳王
於是登別館散幽情招親友以高會尊仲宣為客卿睹

頌冰之適至喜煩暑之暫清王乃誇賓而歌曰含皎皎
兮瓊玉姿氣淒淒兮奪天時飲之瑩骨兮何所思可進
於賓請客卿為寡人美而賦之客諾曰美則美矣而大
王不識其短夫謂之瓊玉竊名器也氣奪天時干陰陽
也內熱飲之媒其疾也寵一物而三失德且出寒暑而
至下薦宗廟而至高僕竊感之而獻歎安得而不為之
抽毫何積陰之勝純陽兮惟此玄冰居炎天之赫赫兮
獨嚴厲乎稜稜其始也月玄冥日北陸天地閉水泉縮

動靜一變剛柔反覆壯以烈風積如羣玉由是依廣瀆
漫憑高崢嶸大寒御節萬物潛形浮彩浩浩仰吞素靈
羣山早曙陰壑夜明古者祭之黑牡其藏以節袂之桃
弧其出以潔今明明大魏禮物必備實大王罇俎之常
品非小民造次之所致若尊卑異等頒命有度碎似墜
瓊方如截璐况粉壁雲矗象筵霜布座有麗人皎然俱
素雖衆賓之同輝諒為物之難固其竊名假質以謬一
時之賞也如此若乃對脩竹臨方塘俾炎作寒兮反我

天常嗟絺綌之失御於三伏兮亦紈扇委篋而內傷其
嚴沍之威以干陰陽之候也如此若皎潔的皪與時消
釋或沉珠於杯或化璞於液王將甘飲聊以自適豈知
乎一寒一溫日夜相激久之以生疾兮內外不和而怵
惕其翫意而媒疾也如此觀其劣足以淒一室利庖厨
俾甘肥晚敗醇醲不渝非可調湊理安營魄奈何以誇
客陳王於是艷然而慙曰寡人生於深宮惜於服食左
右唯燕姬趙女侈服美色微客卿之言則何以雪余惑

方當命有司而撤冰書盤孟以自式

雜擬

擬古詩十二首

其一

辭君遠行邁飲此長恨端已謂道里遠如何中險艱流
水赴大壑孤雲還暮山無情尚有歸行子何獨難驅車
背鄉園朔風一作吹卷行迹嚴冬霜斷肌日入不遑息憂
歡一作懼客髮變寒暑人事易中心君詎知冰玉徒貞白

客一作容

其二

黃鳥何關關幽蘭亦靡靡此時深閨婦日照紗

一作綺

窻

裏娟娟雙青蛾微微啓玉齒自惜桃李年誤身遊俠子
無事久離別不知今生死

其三

我我高山巔浼浼青川流世人不自悟馳謝如驚鷗百
金非所重厚意良難得旨酒親與朋芳年樂京國京城

繁華地軒蓋凌晨出垂楊十二衢
隱映金張室漢宮南
北對飛觀齊白日游泳屬芳時

一云遊冶
詠康時

平生自云畢

其四

綺樓何氛氲朝日正杲杲四壁含清風
丹霞射其牖玉顏上哀轉絕耳非世有
但感離恨情不知誰家婦孤雲忽無色
邊馬為迴首曲絕碧天高餘聲散秋草
徘徊帷中意獨夜不堪守思逐朔風翔
一去千里道

其五

嘉樹藹初綠
靡蕪吐幽芳
君子不在賞
寄之雲路長
路長信難越
惜此芳時歇
孤鳥去不還
緘情向天末

其六

月滿秋夜長
驚鳥號北林
天河橫未落
斗柄當西南
寒蛩悲洞房
好鳥無遺音
商飈一夕至
獨宿懷重衾
舊交日千里
隔我浮與沉
人生豈草木
寒暑移此心

其七

酒星非所酌
月桂不為食
虛薄空有名
為君長歎息
蘭

蕙雖可懷芳香與時息豈如凌霜葉歲暮靄顏色折柔
將有贈延意千里客草木知賤微所貴寒不易

其八

神州高爽地遐瞰靡不通寒月野無綠寥寥天宇空陰
陽不停馭貞脆各有終汾沮何鄙儉考槃何退窮反志
解牽跼無為尚勞躬美人奪南國一笑開芙蓉清鏡理
容一作雲髮褰簾出深重豔曲呈皓齒舞羅不堪風慊慊
情有待贈芳為我容可嗟青樓月流影君帷中

其九

春至林木變洞房夕含清單居誰能裁好鳥對我鳴良
人久燕趙新愛移平生別時雙鴛綺留此千恨情碧草
生舊迹綠琴歇芳聲思一作願將魂夢歡反側寐不成擘
衣迷所次起望空前庭一作擘衣迷處孤影中自惻不
知雙涕零

其十

秋天無留景萬物藏光輝落葉隨風起一作遠愁人獨何

依華

一作明

月屢圓缺君還浩無期如何雨絕天

一作何雲雨

絕

一去音問

一作塵

違

其十一

有客天一方寄我孤桐琴迢迢萬里隔託此傳幽音冰

霜中自結龍鳳相與吟絃以明直道

一云絃以昭清直

漆以固

一作形

交深

其十二

白日淇上沒空閨生遠愁寸心不可限淇水長悠悠芳

樹自妍芳

一云自交結又云房樹正妍鬱

春禽自相求徘徊東西廂孤

妾誰與儔年華逐絲淚一落俱不

一作難

收

雜體五首

沉沉匣中鏡為此塵垢蝕輝光何所如月在雲中黑南

金既彫錯擊帶共輝飾空存

一作有

鑒物名坐使妍蚩惑

美人竭肝膽思照冰玉色自非磨瑩工日日空歎息

古宅

一作宇

集杖烏羣號枯樹枝黃昏窺人室鬼物相與

期居人不安寢搏擊思此時豈無鷹與鸛飽肉不肯飛

既乖逐鳥節空養凌雲姿孤奉肉食恩何異城上鷄

春羅雙鴛鴦出自寒夜女心精煙霧色指歷千萬緒長

安貴豪家

一作室

妖艷不可數裁此百日功唯將一朝舞

舞罷復裁新豈

一作寧

思勞者苦

同聲自相應體質不必齊誰知賈人鐸能使大

一作音

樂

諧鏗鏘發宮徵和樂變其哀人神既昭享鳳鳥

一作皇

亦

下來豈非至賤物一奏升天階物情苟有合莫問玉與

泥

碌碌荆山璞卞和獻君門荆璞非有求和氏非有恩所
獻知國寶至公不待言是非吾一作語欲默此道今豈存

與友生野飲效陶體

攜酒花林下前有千載墳於時不共酌奈此泉下人始
自翫芳物行當念徂春聊舒遠世蹤坐望還山雲且遂
一懽笑焉知賤與貧

效何水部二首

玉宇含清一作秋露香籠散輕煙應當結沉抱難從茲夕

眠

夕漏起遙怨蟲響亂秋陰反覆相思字中有故人心

效陶彭澤

霜露悴百草時菊獨妍華物性有如此寒暑其奈何掇
英泛濁醪日入會田家盡醉茅簷下一生豈在多

燕集

大梁亭會李四栖梧作

梁王昔愛才千古化不泯平聲至今蓬池上遠集八方賓

車馬平明合城郭滿埃塵逢君一相許豈要平生親入
仕三十載如何獨未伸英聲久籍籍臺閣多故人置酒
發清彈相與一作將樂佳辰孤亭得長望白日下廣津富

貴良可取

一作求

竭來西入秦秋風旦夕起安得客梁陳

燕李錄事

與君十五侍皇闈曉拂爐煙上赤墀花開漢苑經過處

雪下驪山沐浴時近臣零落今猶

一作誰

在仙駕飄飄不

可期此日相逢

一作逢君

思

一作非

舊日一杯成喜亦

一作又

成

悲

淮上喜會梁川故人

江漢曾為客相逢每醉還浮雲一別後流水十年間歡
笑情如舊蕭疎鬢已班何因北一作不歸去淮上對一作有

秋山

揚州偶會前洛陽盧耿主簿

應物頃貳洛陽常有連騎之遊

楚塞故人稀相逢本不期猶存袖裏字忽怪鬢中絲客
舍盈樽酒江行滿篋詩更能連騎出還似洛橋時

賈常侍林亭燕集

高賢侍天階

一作陞

跡顯心獨幽朱軒驚闕右池館在東

周繚繞接都城氤氲望嵩丘羣公盡詞客方駕永日遊
朝旦氣候佳逍遙寫煩憂綠林靄已布華沼澹不流凌
露摘幽草涉煙翫輕舟圓荷既出水廣廈可淹留放神
遺所拘觥罰屢見酬樂燕良未極安知有沉浮醉罷各
云散何當復相求

月夜會徐十一草堂

空齋無一事岸幘故人期暫輟觀書夜還題翫月詩遠
鐘高枕後清露卷簾時暗覺新秋近殘河欲曙遲

移疾會詩客元生與釋子法朗因貽諸祠曹

對此嘉樹林獨有戚戚顏抱瘵知曠職淹旬非樂閒釋
子來問訊詩人亦扣關道同意一作適暫遣客散疾徐還

園徑自幽靜玄蟬噪其間高牕瞰遠郊暮色起秋山英
曹幸休暇悵悵一作恨恨心所攀

慈恩伽藍清會

素友俱薄世屢招清景賞鳴鍾悟音聞宿昔心已往重

門相洞達高宇亦遐

一作通

朗嵐嶺曉城分清陰夏條長

一作清條
夏陰長

氤氛芳臺馥蕭散竹池廣平荷隨波泛迴飈

激林響蔬食遵道侶泊懷遺滯想何彼塵昏人區區在
天壤

夜偶詩客操公作

塵襟一蕭灑清夜得禪公遠自鶴林寺了知人世空驚
禽翻暗葉流水注幽叢多謝非玄度聊將詩興同

與韓庫部會王祠曹宅作

間

一作開

門蔭堤柳秋渠含夕清微風送荷氣坐客散塵

纓守默共無恹抱冲俱寡營良時頗高會琴酌共開情

晦日處士叔園林燕集

遽看蓂葉盡坐闕芳年賞賴此林下期清風滌煩想始
萌動新煦佳禽發幽響嵐嶺對高齋春流灌蔬壤罇酒
遺形迹道言屢開獎幸蒙終夕懽聊用稅歸鞅

扈亭西陂燕賞

杲杲朝陽時悠悠清陂望嘉樹始氤氲春遊方浩蕩況
逢丈翰侶愛此孤舟漾綠野際遙波橫雲分疊嶂公堂
日為倦幽襟自茲曠有酒今滿盈願君盡弘量

西郊燕集

濟濟衆君子高宴及時光羣山靄遐矚綠野布熙陽列
坐遵曲岸披襟襲蘭芳野庖薦嘉魚激澗泛羽觴衆鳥
鳴茂林綠草延高岡盛時易徂謝浩思坐飄颻眷言同
心友茲遊安可忘

春宵燕萬年吉少府中孚南館

始見斗柄迴復茲霜月霽河漢上縱橫春城夜迢遞賓
筵接時彥樂燕凌芳歲稍愛清觴滿仰歎高文麗欲去
返郊扉端為一歡滯

滁州園池燕元氏親屬

日暮遊清池疎林羅

一作籠

高天餘綠飄霜露夕氣變風

煙水門架危閣竹亭列廣筵一展私姻禮屢歎芳樽前
感往在茲會傷離屬頽年明晨復云去且願此留連

郡樓春燕

衆樂雜軍鞞高樓邀上客思逐花光亂賞餘山景夕為
郡訪彫瘵守程難損益聊假一杯歡暫忘終日迫

南塘泛舟會元六昆季

端居倦時燠輕舟泛迴塘微風飄襟散橫吹繞林長雲
澹水容夕雨微荷氣涼一寫情勤意一云川上意寧用訴一作

計華觴

郡齋雨中與諸丈士燕集

兵衛森畫戟宴寢凝清香海上風雨至逍遙池閣涼煩

病近

一作正

消散嘉賓復滿堂自慙居處崇未覩斯民康

理會是非遣性達形迹忘鮮肥屬時禁蔬果幸見嘗俯

飲一杯酒仰聆金玉章神歡體自輕意欲凌風

一作雲

翔

吳中盛文史羣彥今汪洋方知大藩地

一作盛

豈曰財賦

疆

奉同郎中使君郡齋雨中宴集之什州民朝議郎

行饒州司戶參軍負外置同正負顧況

好鳥依嘉樹飛雨灑高城况與數一作古君子列座分兩

楹

一作公南楹

文雅一何麗

一作盛

林堂含餘清我公未歸朝

遊子不待晴白雲帝鄉遠滄江楓葉鳴拜手欲無言零

汨如

一作和

酒傾寸心已摧折別離方骨驚安得凌風翰

肅肅賓天京

軍中冬燕

滄海已云晏皇恩猶念勤式燕徧恒秩柔遠及斯人茲
邦實大藩伐鼓軍樂陳是時冬服成戎士氣益振虎竹

謬朝寄英賢降上賓旋罄周旋禮媿無海陸珍庭中九
劒闌堂上鼓吹新光景不知晚觥酌豈言頻單醪昔所
感大醪况同忻顧謂軍中士仰答何由申

司空主簿琴席

煙華方散薄蕙氣猶含露澹景發清琴幽期默立

一作云

悟留連白雪意斷續迴風度掩抑雖已終忡忡在幽素

與村老對飲

鬢眉雪色猶嗜酒言辭淳朴古人風鄉村年少生離亂

見話先朝如夢中

韋蘇州集卷一

欽定四庫全書

韋蘇州集卷二

唐 韋應物 撰

寄贈上

城中卧疾知閤薛二子屢從邑令飲因以贈之

車

一作良

馬日蕭蕭胡不枉

一作在

我廬方來從令飲卧病

獨何如秋風起漢

一作江

臯開戶望平蕪即此悵

一作稀

音

素

一作表

馬知中密疎渴者不思火寒者不求水人生羈

寓

一作旅

時去就當如此猶希心異跡

一作從利迹異

眷眷存

終始

聽嘉陵江水聲寄深上人

鑿崖泄奔湍稱古神禹跡夜喧山門店獨宿不安席水

性自云

一作為

靜石中本無聲如何兩相激雷轉空山驚

貽之道門舊了此物我情

高陵書情寄三原盧少府

直方難為進守此微賤班開卷不及顧沉埋案牘間兵

凶久

一作互

相踐徭賦豈得間促戚下可哀寬政身致患

日夕思自退出門望故山君心儻如此攜手相與還

假中對雨呈縣中僚友

卻足甘

一作堪

為笑門居夢杜陵殘鷺知夏淺社

一作時

雨

報年登流麥非關忘收書獨不能自然憂曠職緘此謝

良朋

贈蕭河南

厭劇辭京縣褒賢待詔書鄮侯方繼業潘令且門居霽

後三川冷秋深

一作餘

萬木疎對琴無一事新興復何如

示從子河南尉班

并序

永泰中余任洛陽丞以撲扶軍騎時從子河南尉班亦以剛直為政俱見訟於居守因詩示意府縣好我者豈曠斯文

拙直余恒守公方爾所存同占朱鳥尅俱起小人言立政思懸棒謀身類觸藩不能林下去祇戀府廷恩

趨府候曉呈兩縣僚友

趨府不遑安中宵出戶看滿天星尚在近壁燭仍一作猶

殘立馬頻驚曙垂簾却避寒可憐同宦者應一作始悟下

流難

贈李儋

絲桐本異質音響合

一作今

自然吾觀造化意二物相因

緣誤觸龍鳳嘯靜聞寒夜泉心神自安宅煩慮頗可捐

何因知久要絲白漆亦堅

贈盧嵩

百川注東海東海無虛盈泥滓不能濁澄波非益清恬
然自安流日照萬里晴雲物不隱象三山其分明奈何
疾風怒忽若基柱傾海水雖無心洪濤亦相驚怒號在
倏忽誰識變化情

寄馮著

春雷起萌蟄土壤日已疎胡能遭盛明才俊伏里閭偃
仰遂真性所求唯斗儲披衣出茅屋盥漱臨清渠吾道
亦自適退身保玄虛幸無職事牽且覽案上書親友各

馳騫誰當訪弊廬思君在何夕明月照廣除

早春對雪寄前殿中元侍御

掃雪開幽徑端居望故人猶殘臘月酒更值早梅春幾
日東城陌何時曲水濱聞閒且共賞莫待繡衣新

贈王侍御

心同野鶴與塵遠詩似冰壺見底清府縣同趨昨日事
升沉不改故人情上陽秋晚蕭蕭雨洛水寒來夜夜聲
自歎猶為折腰吏一作客可憐驄馬路傍行

將往江淮寄李十九儋

余自西京至李又發河洛同道不遇

驚驚東向來文鵠亦西飛如何不相見羽翼有高卑徘徊到河洛華屋未及窺秋風飄我行遠與淮海期迴首隔煙霧遙遙兩相思陽春自當返短翮欲追隨

自鞏洛舟行入黃河即事寄府縣僚友

夾水蒼山路向東東南山豁大河通寒樹依微遠天外夕陽明滅亂流中孤村幾歲臨伊岸一鴈初晴下朔風為報洛橋遊宦侶扁舟不繫與心同

寄盧庚

悠悠遠離別分此歡會難如何兩相近反使心不安
亂髮思一櫛垢衣思一浣協韻豈如望友生對酒起長歎
時節異京洛孟冬天未寒廣陵多車馬日夕自遊盤
獨我何耿耿非君誰為歡

發廣陵留上家兄兼寄上長沙

將違安可懷宿戀復一方家貧無舊業薄宦各飄颻
執板身有屬淹時心恐惶拜言不得留聲結淚滿裳
漾漾

動行舫亭亭遠相望離晨苦須臾獨往道路長蕭條風
雨過得此海氣涼感秋意已違況自結中腸推道固當
遣及情豈所忘何時共還歸舉翼鳴春陽

初發揚子寄元大校書

悽悽去親愛泛泛入煙霧歸棹洛陽人殘鍾廣陵樹今
朝此為別何處還相遇世事波上舟汧洄安得住

淮上即事寄廣陵親故

前舟已眇眇欲渡誰相待秋山起暮鍾楚雨連滄海風

波離思滿

一作速

宿昔容鬢改獨鳥下東南廣陵何處在

寄洪州幕府盧二十一侍御

自南昌令拜
頃同官洛陽

忽報南昌令乘驄入郡城同時趨府客此日望塵迎
苑臺中妙冰壺幕下清洛陽相去遠猶使故林榮

經少林精舍寄都邑親友

息駕依松嶺高閣一攀緣前瞻路已窮既詣喜更延出

巖聽萬籟入林濯幽泉鳴鍾生道心暮磬

一作鶴

空雲煙

獨往雖暫適多累終見牽方思結茅地歸息期暮年

同長源歸南徐寄子西子烈有道

東洛何蕭條相思邈邈路策駕復誰遊入門無與晤一作

出入亦無晤

還因送歸客達此絨中素屢睽心所歡豈得顏

如故所歡不可睽嚴霜晨淒淒如彼萬里行孤妾守空
閨臨觴一長歎素欲何時諧

雪中聞李儋過門不訪聊以寄贈

度門能不訪冒雪屢西東已想人如玉遙憐馬似驄乍
迷金谷路稍變上陽宮還比相思意紛紛正滿空

同德精舍養疾寄河南兵曹東廳掾

逍遙東城隅，雙樹寒蔥蒨。
廣庭流華月，高閣凝餘霰。
杜門非養素，抱疾阻良讌。
孰謂無他人，思君歲云變。
官曹亮先忝，陳躅慙俊彥。
豈知晨與夜，相代不相見。
緘書問所如，一云所知。訓藻當芬綯。

同德寺雨後寄元侍御李博士

川上風雨來，須臾滿城闕。
岩堯青蓮界，一作字蕭條孤興發。

發前山遽已淨，陰靄夜來歇。
喬木生夏涼，流雲吐華月。

嚴城自有限一水非難越相望曙河

一作何

遠高齋坐超

忽

同德閣期元侍御李博士不至各投贈二首

庭樹忽已暗故人那

一作何

不來祇應厭煩暑永日坐霜

臺

官榮多所繫閒居亦憊期高閣猶相望青山欲暮時

使雲陽寄府曹

風駕祇府命冒炎不遑息百里次雲陽閭閻問漂溺上

天屢憊氣胡不均寸澤仰瞻喬樹顛見此洪流跡良苗
免湮沒蔓草生宿昔頽墉滿故墟返喜將安宅周旋涉
塗潦側峭緣溝脉仁賢憂斯民賤子甘所役公堂衆君
子言笑思與覲

過扶風精舍舊居簡朝宗巨川兄弟

佛刹出高樹晨光閤井中年深念陳跡迨此獨忡忡零
落逢故老寂寥悲草蟲舊宇多改構幽篁延本藂栖止
事如昨芳時去已空佳人亦攜手再往今不同新文聊

感舊想子意無窮

贈令狐士曹

自八月朔旦同使藍田淹留涉季
事先半日而不相待故有戲贈

秋簷

一作霜

滴滴對床寢山路迢迢聯騎行到家俱及東

籬菊何事先歸半日程

贈馮著

契闊仕兩京念子亦飄蓬方來屬追往十載事不同歲
晏乃云至微褐還未充慘悽遊子情風雪自關東華觴
發懽顏嘉藻播清風始此盈抱恨曠然一夕中善蘊豈

輕售懷才希國工誰當念素士零落歲華空

對雨寄韓庫部協

颯至池館涼靄然和曉霧蕭條集新荷氛氲散高樹閒
居興方澹默想心已屢暫出仍濕衣况君東城住

寄子西

夏景已難度懷賢思方續喬樹落疎陰微風散煩燠傷
離枉芳札忻遂見心曲藍上舍已成田家雨新足託鄰
素多欲一作願殘秩猶見東日夕上高齋但望東原綠

縣內閒居贈溫公

滿郭春色嵐已昏
鷗栖散吏掩重門
雖居世網常清淨
夜對高僧無一言

對雪贈徐秀才

靡靡寒欲收
靄靄陰還結
晨起望南端
千林散春雪
妍光屬瑤階
亂緒陵新節
無為掩扉卧
獨守袁生轍

西郊遊宴寄贈邑僚李巽

升陽暖春物
置酒臨芳席
高宴闕英僚
衆賓寡歡懌
是

時尚多壘板築興顏壁羈旅念越疆領徒方祇役如何
嘉會日當子憂勤夕西郊鬱已茂春嵐重如積何當返
徂雨雜英紛可惜

對雨贈李主簿高秀才

邈迤曙雲薄散漫東風來青山滿春野微雨灑輕埃吏
局勞佳士賓筵得上才終朝狎文墨高興共徘徊

休沐東還胄貴里示端

宦遊三十載田野久已疎休沐遂茲日一來還故墟山

明宿雨霽風暖百卉舒泓泓野泉潔熠熠林光初竹木
稍推翳園場亦荒蕪俯驚鬢已衰周覽昔所娛存沒惻
私懷遷變傷里閭欲言少留心中復畏簡書世道良自
退榮名亦空虛與子終攜手歲晏當來居

朝請後還邑寄諸友生

宰邑分旬服夙駕朝上京是時當暮春沐沐集友生抗
志青雲表俱踐高世名樽酒且歡樂文翰亦縱橫良遊
昔所希累讎夜復明晨露含瑤琴夕風殞素英一旦遵

歸路伏軾出京城誰言再念別忽若千里行閉閣寡誼
訟端居結幽情況茲晝方永展轉何由平

澧上西齋寄諸友

七月中暑福
之西齋作

絕岸臨西野曠然塵事遙清川下邇迤茅棟上岩薨翫
月愛佳夕望山屬清朝俯砌視歸翼開衿納遠颿等陶
辭小秩効朱方負樵閒遊忽無累心跡隨景超明世重
才彥雨露降丹霄羣公正雲集獨予忻寂寥

獨遊西齋寄崔主簿

同心忽已別昨事方成昔幽逕還獨尋綠苔見行跡秋
齋正蕭散煙水易昏夕憂來結幾重非君不可釋

紫閣東林居士叔緘賜松英丸捧對忻喜蓋非塵

侶之所當服輒獻詩代啓

碧澗蒼松五粒稀侵雲采去露沾衣夜啟羣仙合靈藥
朝思俗侶寄將歸道場齋戒今初服人事葷羶已覺非
一望嵐峯拜還使腰間銅印與心違

秋集罷還途中作謹獻壽春公黎公

東帶自衡門奉命宰王畿君侯枉高鑒舉善掩瑕疵斯
民本已安工拙兩無施何以酬明德歲晏不磷緇時節
乃來集欣懷方載馳平明大府開一得拜光輝溫如春
風至肅若嚴霜威羣屬所載瞻而忘倦與飢公堂燕華
筵禮罷復言辭將從平明道憩車澧水湄山川降嘉歲
草木蒙潤滋孰云還本邑懷戀獨遲遲

間居贈友

補吏多下遷罷歸聊自度園廬既蕪沒煙景空澹泊間

居養痾瘵守素甘葵藿顏鬢日衰耗冠帶亦寥落青苔
已生路綠筠始分籜夕氣下遙陰微風動疎薄草玄良
見詣杜門無請託非君好事者誰來顧寂寞

一作誰能

四禪精舍登覽悲舊寄朝宗巨川兄弟

蕭散人事憂迢遰古原行春風日已暄百草亦復生躋
閣謁金像攀雲造禪局新景林際曙雜花川上明徂歲
方緬邈陳事尚縱橫溫泉有佳氣馳道指京城攜手思
故日山河留恨情存者邈難見去者已冥冥臨風一長

慟誰畏行路驚

善福閣對雨寄李儋幼遐

飛閣凌太虛晨躋鬱崢嶸驚飈觸懸檻白雲冒層甍太
陰布其地密雨垂八紘仰觀固不測俯視但冥冥感此
窮秋氣沉鬱命友生及時未高步羈旅遊帝京聖朝無
隱才品物俱昭形國士秉繩墨何以表堅貞寸心東北
馳思與一會并我車夙已駕將逐晨風征郊塗佳成淹
默默阻中情

寺居獨夜寄崔主簿

幽人寂不

一作無

寐木葉紛紛落寒雨暗深更流螢度高

閣坐使青燈曉還傷夏衣薄寧知歲方晏離居更蕭索

九日澧上作寄崔主簿倬二李端繫

淒淒感時節望望臨澧涘翠嶺明華秋高天澄遙萍川
寒流愈迅霜交物初委林葉索已空晨禽迎颿起時菊
乃盈泛濁醪自為美良遊雖可娛殷念在之子人生不
自省營欲無終已孰能同一酌陶然冥斯理

西郊養疾聞暢校書有新什見贈久佇不至先寄

此詩

養病愜清夏郊園敷卉木
窓夕戶一作舍澗涼雨餘愛筠

綠披懷始高詠對琴轉幽
獨仰子遊羣英吐詞如蘭
馥還聞枉嘉藻佇望延昏
旭唯見草青青閉門澧水
曲

澧上寄幼遐

寂寞到城闕惆悵返柴荆
端居無所為念子遠徂征
夏晝人已息我懷獨未寧
忽從東齋起兀兀尋澗行
曾望

叢榛密披翫孤花明曠然西南望一極山水情周覽同
遊處逾恨阻音形壯圖非旦夕君子勤令名勿復久留
燕蹉跎在北京

善福精舍示諸生

湛湛嘉樹陰清露夜景沉悄然羣物寂高閣似陰岑方
以玄默處豈為名跡侵法妙一作泛如不知歸獨此抱沖襟
齋舍無餘物陶器與單衾諸生時列坐共愛風滿林

晚出灋上贈崔都水

臨流一舒嘯望山意轉延隔林分落景餘霞明遠川首
起趣東作已看耘夏田一從民里居歲月再徂遷昧質
得全性世名良自牽行忻攜手歸聊復飲酒眠

寓居澧上精舍寄于張二舍人

萬木藂雲出香閣西連碧澗竹林園高齋猶宿遠山曙
微霰下庭寒雀喧道心淡泊對流水生事蕭疎空掩門
時憶故交那得見曉排閭闔奉明恩

開元觀懷舊寄李二韓二裴四兼呈崔郎中嚴家

令

宿昔清都燕分散各西東車馬行跡在霜雪竹林空方
軫故物念誰復一樽同聊披道書暇還此聽松風

春日郊居寄萬年吉少府中孚三原元少府偉夏

侯校書審

谷鳥時一轉田園春雨餘光風動林早高窻照日初獨
飲澗中水吟詠老氏書城闕應多事誰憶此間居

豐上醉題寄滌武

芳園知夕燕西郊已獨還誰言不同賞俱是醉花間

西郊期滌武不至書示

山高鳴過雨澗樹

林一云澗

落殘花非闕春不待當由期自

賒

澧上對月寄孔諫議

思懷在雲闕泊素守中林出處雖殊跡明月兩知心

將往滁城戀新竹簡崔都水示端

停車欲去繞藂竹偏愛新筠十數竿莫遣兒童觸瓊粉

留待幽人迴日看

還闕首途寄精舍親友

休沐日云滿冲然將罷觀嚴車候門側晨起正一作整朝

冠山澤含餘雨川澗注驚湍攬轡遵東路前一云登迴首

一長歎居人已不見高閣在林端

秋夜南宮寄灋上二弟及諸生

暝色起煙閣沉抱積離憂沉茲風雨夜蕭條梧葉秋空
宇感涼至頽頽驚歲周日夕遊闕下山水憶同遊

塗中書情寄澧上兩弟因送二甥却還


華簪豈足戀幽林
徒自違遙知別後意
寂寞掩郊扉
回首昆池上
更羨爾同歸

雪後

一作夜

下朝呈省中一絕

南望青山滿禁闈
曉陪鴛鴦正差池
共愛朝來何處雪
蓬萊宮裏拂松枝



韋蘇州集卷二

欽定四庫全書

集部

韋蘇州集卷三

四

詳校官太常寺少卿臣陳桂森

檢討臣何思鈞覆勘

總校官編修臣倉聖脉

校對官編修臣陳昌齊

謄錄監生臣張丹昆

欽定四庫全書

韋蘇州集卷三

唐 韋應物 撰

寄贈下

寄柳州韓司戶郎中

達一作遠識與昧機智殊跡同靜於焉得攜手屢賞清夜

景蕭灑陪高詠從容羨華省一逐風波遷南登桂陽嶺

舊里門空掩歡一作新遊事皆屏悵望城闕遙幽居時序

永春風吹百卉和煦變問井獨悶終日眠篇書不復省
唯當望雨露霑子荒遐境

寄令狐侍郎

三山有瓊樹霜雪色逾新始自風塵交中結綢繆姻西
掖方掌誥南宮復司春夕燕華池月朝奉玉階塵衆寶
歸和氏吹噓多俊人羣公共然諾聲問邁時倫孤鴻既
高舉鸞雀在荆榛翔集且不同豈不欲殷勤一旦遷南
郡江湖渺無垠寵辱良未定君子豈緇磷寒暑已推斥

別離生苦辛非將會面日書札何由申

閒居寄端及重陽

山明野寺曙鐘微雪滿幽林人跡稀
門居寥落生高興無事風塵獨不歸

園林晏起寄昭應韓明府盧主簿

田家已耕作井屋起晨煙園林鳴好鳥
閒居猶獨眠不覺朝已晏起來望青天
四體一舒展情性亦忻然還復茅簷下
對酒思數賢束帶理官府簡牘盈目前
當念中

林賞覽物遍山川上非遇明世庶以道自全

寄大梁諸友

分竹守南譙弭節過梁池雄都衆君子出餞擁河湄燕
謔始云洽方舟已解維一為風水便但見山川馳昨日
次睢陽今夕宿符離雲樹愴重疊煙波念還期相敦在
勤事海內方勞師

新秋夜寄諸弟

兩地俱秋夕相望共在

一作

星河高梧一葉下空齋歸思

多方用憂人瘼況自抱微疴無將別來近顏鬢已蹉跎

郊園聞蟬寄諸弟

去歲郊園別聞蟬在蘭省今歲卧南譙蟬鳴歸路永夕

響依山郭餘悲散秋景

一作餘聲
發秋嶺

緘書報此時

一作
遠景

此

心方耿耿

寄中書劉舍人

雲霄路竟別中年跡暫同比翼趨丹陛連騎下南宮佳
詠邀清月幽賞滯芳叢迨予一出守與子限西東晨露

方愴愴

一作著

離抱更忡忡忽睹九天詔秉綸歸國工玉

座浮香氣秋禁散涼風應向橫門渡

一作旁

環珮杳玲瓏

光輝恨未矚歸思坐難通蒼蒼松桂姿想在披垣中

郡齋感秋寄諸弟

首夏辭舊國窮秋卧滁城方如昨日別忽覺徂歲驚高

閣收煙霧池水晚澄清

一作明

戶牖已淒爽晨夜感深情

昔遊郎署間是月天氣晴

一作清

授衣還西郊曉露田中

一作野

行采菊投酒中昆弟自同傾簪組聊挂壁焉知有

世榮一旦居遠郡山川間音形大道庶無累及茲念已
盈

郡中對雨贈元錫兼簡楊凌

宿雨冒空山空城響秋葉沉沉暮色至淒淒涼氣入蕭
條林表散的皦荷上集夜霧著夜重新苔侵履濕遇茲
端憂日賴與嘉賓接

冬至夜寄京師諸弟兼懷崔都水

理郡無異

一作美

政所憂在素飡徒令去京國羈旅當歲

寒子

一作玄

月生一氣陽景極南端已懷時節感更抱別

離酸私燕席

一作夕

云罷還齋夜方闌遽幕沉空宇

一作月

孤燭照床單應同茲夕念寧忘故歲歡川塗恍悠邈涕

下一闌干

元日寄諸弟兼呈崔都水

一從守茲郡兩鬢生素髮新正加我年故歲去超忽淮
濱益時候了似仲秋月川谷風景溫城池草木發高齋
屬多暇悵悵臨芳物日月昧還期念君何時歇

寄職方劉郎中

相聞二十載不得展平生一夕一作旦南宮遇聊用寫中

情端服光朝次羣列慕一作器英聲歸來坐粉闥揮筆乃

縱橫始陪文翰遊歡燕難久并予因謬忝出君為沉疾
嬰別離寒暑過荏苒春草生故園茲日隔新禽池上鳴
郡中永無事歸思徒自盈

社日寄崔都水及諸弟羣屬

山郡多暇日社時放吏歸坐閣獨成悶行塘閱清輝春

風動高柳芳園掩夕扉遙思里中會心緒悵微微

寒食日寄諸弟

禁火暖佳辰念離獨傷抱見此野田花心思杜陵道聯

騎定

一作竟

何時予今顏已老

三月三日寄諸弟兼懷崔都水

暮節看已謝茲晨愈可惜風澹意傷春池寒花斂夕

一作

色對酒始依依懷人還的的誰當曲水行相思尋舊跡

贈李儋侍御

風光山郡少來看廣陵春殘花猶待客莫問意中人

寄楊協律

吏散門閣掩鳥鳴山郡中遠念長江別俯覺座隅空舟
泊南池雨簾卷北樓風併罷芳樽燕為愴昨時同

附
楊凌奉酬寄示

淮陽

一作南

為郡暇坐惜流芳歇散懷累榭風清暑澄潭

月陪燕辭三楚戒途綿百越非當遠別離雅奏何由發

郡齋贈王卿

無術謬稱簡素食空自嗟秋齋雨成滯山藥寒始華
落人皆笑幽獨歲逾賒唯君出塵意賞愛似山家

一作僧家

簡恒燦

室

一作臺

虛多涼氣

一作風

天高屬秋時空庭夜風雨草木

曉離披簡書日云曠文墨誰復持聊因遇澄靜一與道人期

閒居寄諸弟

秋草生庭白露時故園諸弟益相思盡日高齋無一事

芭蕉葉上獨題詩

登樓寄王卿

踏閣攀林恨不同，楚雲滄海思無窮。
數家砧杵秋山下，一郡荊榛寒雨中。

寄暢當

聞以子弟
被召從軍

寇賊起東山，英俊方未間。
聞君新應募，籍籍動京闕。
出身文翰場，高步不可攀。
青袍未及解，白羽挿腰間。
昔為瓊樹枝，一作姿今有風霜顏。
秋郊細柳道，走馬一夕還。

夫當為國破敵如摧山何必事州府坐使鬢毛班

贈崔貲外

一別十年事相逢淮海濱還思洛陽日更話府中人且
對清觴滿寧知白髮新忽忽何處去車馬冒風塵

寄李儋元錫

去年花裏逢君別今日花開已一年世事茫茫難自料
春愁黯黯一作忽忽獨成眠身多疾病思田里邑有流亡愧
俸錢聞道欲來相問訊西樓望月幾迴圓

京師叛亂寄諸弟

弱冠遭世難二紀猶未平
羈離官

一作守

遠郡虎豹滿西

京上懷犬馬戀下有骨肉情
歸去在何時流淚忽霑纓

憂來上北樓左右但軍營
函谷行人絕淮南春草生
鳥

鳴野田間思憶故園

一作里

行何當四海晏甘與齊民耕

贈琮公

山僧一相訪吏案正盈前
出處似殊致喧靜兩皆

一作依

禪暮春華池宴清夜高齋眠
此道本無得寧復有忘筌

寄諸弟

建中四年十月三日京師兵亂自滁州間道遣使明年興元甲子歲五月九日使還

作

歲暮兵戈亂京國
帛書間道訪存亡
還信忽從天上落
唯知彼此淚千行

寄恒燦

心絕去來緣跡

一作踵 一作順 一作斷

人間事獨尋秋草
徑夜宿

寒山寺今日郡齋間
思問楞伽字

簡郡中諸生

守郡卧秋閣四面盡荒山此時聽夜雨孤燈照窓間藥
園日蕪漫書帷長自閒惟當上客至論詩一解顏

寄全椒山中道士

今朝郡齋冷忽念山中客澗底東

一作米

荆薪歸來煮白

石欲持一瓢酒遠慰風雨夕落葉滿空山何處尋行跡

慰一作寄

滿一作遍

寄釋子良史酒

秋山僧病冷聊寄三五杯應瀉山瓢裏還寄此瓢來

重寄

復寄滿瓢去定見空瓢來若不打瓢破終當費酒材

答釋子良史送酒瓢

此瓢今已到山瓢知己空且飲寒塘水遙將回也同作一

遙知回也風

簡陟巡建三甥

盧氏生

忽羨後生連榻話獨依寒燭一齋空時流歡笑事從別

把酒吟詩待爾同

覽褒子卧病一絕聊以題示

沈氏生全真

念子抱沉疾霜露變滁城獨此高窓下自然無世情

寄璨師

林院生夜色西廊上紗燈時憶長松下獨坐一山僧

寄盧陟

柳葉遍寒塘曉霜凝高閣累日此留連別來成寂寞

途中寄楊邈裴緒示褒子

永陽縣館中作

上宰領淮右下國屬星馳霧野騰曉騎霜竿裂凍旗蕭

蕭陟連岡莽莽望空陂風截鴈嘹唳雲慘樹參差高齋
明月夜中庭松桂姿當睽一酌恨况此兩旬期

宿永陽寄璨律師

遙知郡齋夜凍雪封松竹時有山僧來懸燈獨自宿

雪行寄褒子

浙滙覆寒騎飄颻暗川容行子郡城曉披雲看杉松

寄裴處士

春風駐遊騎晚景澹山暉一問清冷子獨掩荒園扉草

木雨來長里間人到稀方從廣陵宴花落未言歸

偶入西齋院示釋子恒燦

僧齋地雖密忘子跡要賒一來非問訊自是看山花

示全真元常

元常趙氏生

余辭郡符去爾為外事牽寧知風雪夜復此對床眠始
話南池飲更詠西樓篇無將一會易歲月坐推遷

寄劉尊師

世間冉冉縈此身長望碧山到無因白鶴徘徊看不去

始知下有清都人

寄廬山梭衣居士

兀兀山行無處歸
山中猛虎識梭衣
俗客欲尋應不遇
雲溪道士見猶稀

因省風俗與從姪成緒遊山水中道先歸寄示

累宵同燕酌
十舍携征騎
始造雙林寂
遐搜洞府秘
羣峰繞盤鬱
懸泉仰特一作時
異陰壑雲松埋
陽崖煙花媚

每慮觀省牽中乖
遊踐志我尚山水
行子歸棲息地一

操臨流袂上聳干雲轡獨往倦危途懷沖一作州寡幽致

賴爾還都期方將登樓遲

寒食寄京師諸弟

雨中禁火空齋冷江上流鶯獨坐聽把酒看花想諸弟
杜陵寒食草青青

歲日寄京師諸季端武等

獻歲抱深惻僑居念歸緣常患親愛離始覺世務牽少
事河陽府晚守淮南壩平生幾會散已及蹉跎年昨日

罷符竹家貧遂留連部曲多已散車馬不復全間將酒
為偶默以道自詮聽松南巖寺見月西澗泉為政無異
術當責豈望遷終理一作來時裝歸鑿杜陵田

簡盧陟

可憐白雪曲未遇知音人恓惶戎旅下蹉跎淮海濱澗
樹含朝雨山鳥嘒餘春我有一瓢酒可以慰風塵

西澗即事示盧陟

寢扉臨碧澗晨起澹忘情空林細雨至圓文遍水生永

日無餘事山中伐木聲知子塵喧久暫可散煩纓

登郡樓寄京師諸季淮南子弟

始罷永陽守復卧潯陽樓懸檻飄寒雨危堞侵一作浸江

流迨茲聞鴈夜重憶別離秋徒有盈樽酒鎮此百端憂

寄黃尊師

結茅種杏在雲端掃雪焚香宿石壇靈祇不許世人到
忽作雷風登嶺難

寄黃劉二尊師

廬山兩道士各在一峯居矯掌白雲表晞髮陽和初清
夜降真侶焚香滿空虛一作廬中有無為樂自然與世疎
道尊不可屈符守豈暇餘高齋遙致敬願示一編書

秋夜寄丘二十二員外

懷君屬秋夜散步詠涼天山空松子落幽人應未眠

附丘丹奉酬寄示

露滴梧葉鳴風秋桂花發中有學仙侶吹簫弄山月
贈丘員外二首

高詞棄浮靡貞行表鄉閭未真南宮拜聊偃東山居大
藩本多事日與文章疎每一覩之子高詠遂起予宵晝
方連燕煩恹亦頓祛格言雅誨闕善謔矜數餘久跼思
遊曠窮慘遇陽舒虎丘愜登眺吳門悵躊躇方此戀携
手豈云還舊墟告諸吳子弟文學為何如

跡與孤雲遠心將野鶴俱那同石氏子每到府門趨

附
丘丹奉訓

久作煙霞侶暫將簪組親還同褚伯玉入館忝州人

贈李判官

良玉定為寶長材時所希
佐幕方巡郡奏命布恩威
食蔬程獨守飲冰節靡違
決獄興邦頌高文稟天機
賓館在林表望山啟西扉
下有千畝田決滌吳土肥
始耕已見獲衿絺今授衣
政拙勞詳省淹留未得歸
雖慙且忻願日夕覩光輝

寄皎然上人

吳興老釋子野雪蓋精廬
詩名徒自振道心長晏如
想

茲棲禪夜見月東峰初鳴鐘

一作磬

驚巖壑焚香滿空虛

叨慕端成舊未識豈為疎願以碧雲思方君怨別餘茂
苑文華地流水古僧居何當一遊詠倚閣吟躊躇

贈舊識

少年遊太學負氣蔑諸生蹉跎三十載今日海隅行

復理西齋寄丘負外

前歲理西齋得與君子同迨茲已一周悵望臨春風始
自疎林竹還復長榛藂端正良難久蕪穢易為功援斧

開衆鬱如師啟羣蒙庭宇還清曠煩抱亦舒通海隅雨
雪霽春序風景融時物方如故懷賢思無窮

和張舍人夜直中書寄吏部劉員外

西垣草詔罷南宮憶上才月臨蘭殿出涼自鳳池來松
桂生丹禁駕鷺集雲臺託身各有所相望徒徘徊

和李二主簿寄淮上綦母三

滿城憐傲吏終日賦新詩請去聲報淮陰客春帆浪作音佐

期

寄二嚴

士良 婺牧

士元 柳牧

絲竹久已懶
今日遇君欣
打破蜘蛛千
道網
總為鵲
兩箇嚴

韋蘇州集卷三

欽定四庫全書

韋蘇州集卷四

唐 韋應物 撰

送別

李五席送李主簿歸西臺

請告嚴程盡西歸
道路寒欲陪鷹隼
集猶戀鵲鷦單洛
邑人全少嵩高雪
尚殘滿臺誰不故
報我在微官

送崔押衙相州

頃任內黃令

禮樂儒家子英豪燕趙風驅鷄嘗理邑走馬却從戎白
刃千夫闢黃金四海同嫖姚恩顧下諸將指揮中別路
憐芳草歸心伴塞鴻鄴城新騎滿魏帝舊臺空望闕應
懷戀遭時貴立功萬方如已靜何處欲輸忠

送宣城路錄事

江上宣城郡孤舟遠到時雲林謝家宅山水敬亭祠網
紀多閒日觀遊得賦詩都門且盡醉此別數年期

送李十四山東遊

一作山人東遊

聖朝有遺逸披膽謁至尊豈是賀榮寵誓將救元元權
豪非所便書奏寢禁門高歌長安酒忠憤不可吞歎來
客河洛日與靜者論濟世翻小事丹砂駐精魂東遊無
復繫梁楚多大蕃高論動侯伯疎懷脫塵喧送君都門
野飲我林中樽立馬望東道白雲滿梁園踟躕欲何贈
空是平生言

送李二歸楚州

時李季弟牧楚
州被訟赴急

情人南楚別復詠在原詩忽此嗟歧路還令泣素絲風

波朝夕遠音信往來遲好去扁舟客青雲何處期

送閻東赴東川辟

冰炭俱可懷孰云熱與寒何如結髮友不得攜手懼晨
登嚴霜野送子天一端祇承簡書命俯仰豈角冠上陟
白雲嶠下冥玄壑湍離羣自有託歷險得所安當念反
窮巷登朝成慨嘆

送令狐岫宰恩陽

大雪天地閉羣山夜來晴居家猶苦寒子有千里行行

行安得辭荷此蒲壁榮賢豪爭追攀飲錢出西京樽酒
豈不懼暮春自有程離人起視日僕御促前征逶遲歲
已窮當造巴子城和風被草木江水日夜清從來知善
政離別慰友生

送馮著受李廣州署為錄事

鬱鬱楊柳枝蕭蕭征馬悲送君灞陵岸糾郡南海湄名
在翰墨場羣公正追隨如何從此去千里萬里期大海
吞東南橫嶺隔地維建邦臨日域溫煥御四時百國共

臻湊珍奇獻京師富豪虞興戎繩墨不易持州伯荷天
寵

一作龍選

還當翊丹墀子為門下生終始豈見遺所願酌

貪泉心不為磷緇上將翫國士下以報渴飢

送元倉曹歸廣陵

官間得去住告別戀音徽

一作輝

舊國應無業他鄉到是

歸楚山明月滿淮甸夜鐘微何處孤舟泊遙遙心曲違

送唐明府赴溧水

三任縣事

三為百里宰已過十餘年祇歎官如舊旋聞邑屢遷魚

鹽濱海利薑蔗傍湖田到此安忙俗琴堂又晏然

喜於廣陵拜覲家兄奉送發還池州

青青連枝樹苒苒久別離客遊廣陵中俱到若有期俯
仰叙存歿哀腸發酸悲收情且為歡累日不知飢夙駕
多所迫復當還歸池長安三千里歲晏獨何為南出登
閭門驚颼左右吹所別諒非遠要令心不怡

送章八元秀才擢第往上都應制

決勝丈場戰已酣行應辟命復才堪旅食不辭遊闕下

春衣未換報江南
天邊宿鳥生歸思
關外晴山滿夕嵐
立馬欲從何處別
都門楊柳正毵毵

送張侍御秘書江左覲省

莫歎都門路歸無
駟馬車繡衣猶在
篋芸一作蓬閣已觀

書沃野收紅稻長
江釣白魚晨食亦
可薦名利欲何如

薦一作深

賦得鼎門送盧耿赴任

名因定鼎地門對
鑿龍山水北樓臺
近城南車馬還稍

開芳野靜欲掩暮鐘間去此無嗟屈前賢尚抱關

賦得浮雲起離色送鄭述誠

遊子欲言去浮雲那得知偏能見行色自是獨傷離晚
帶城遙暗秋生峯尚奇還因朔吹斷足馬與相隨

餞雍聿之潞州謁李中丞

鬱鬱兩相遇出門草青青酒酣拔劍舞慷慨送子行驅
馬涉大河日暮懷洛京前登太行路志士亦未平薄遊
五府都高步振英聲主人才且賢重士百金輕絲竹促

飛觴夜醺達晨星娛樂易淹暮諒在執高情

上東門會送李幼舉南遊徐方

離絃既罷彈樽酒亦已闌聽我歌一曲南徐在雲端雲
端雖云邈行路本非難諸侯皆愛才公子遠結歡濟濟
都門宴將去復盤桓令姿何昂昂良馬遠遊冠意氣且
為別由來非所嘆

送洛陽韓丞東遊

仙鳥何飄飄綠衣翠為襟顧我差池羽咬咬懷好音排

徊洛陽中遊戲清川得神交不在結歡愛自中心駕言
忽徂征雲路邈且深朝遊尚同啄夕息當異林出錢宿
東郊列筵屬城陰舉酒欲為樂憂懷方沉沉

送鄭長源

少年一相見

一作得

飛轡河洛間歡遊不知罷中路忽言

還泠泠鵲絃哀悄悄冬夜間丈夫雖耿介遠別多苦顏
君行拜高堂速駕難久攀鷄鳴儔侶發朔雪滿河關須
更在今夕樽酌且循環

送李儋

別離何從生乃在親愛中反念行路子拂衣自西東日

足不留宴嚴車出崇墉行遊

一作役

非所樂端憂道未通

一作端處
道未豐

春野百卉發清川思無窮芳時坐離散世事

誰可同歸當掩重關默默想音容

賦得暮雨送李胄

一作渭

楚江微雨裏建業暮鐘時漠漠帆來重冥冥鳥去遲海
門深不見浦樹遠含滋相送情無限沾襟比散絲

留別洛京親友

握手出都門，駕言適京師。
豈不懷舊廬，惆悵與子辭。
麗日坐高閣，清觴醺華池。
昨遊倏已過，後遇良未知。
念結路方永，歲陰野無暉。
單車我當前，一作去暮雪子獨歸。
臨

流一云漸遠

一相望，零淚忽沾衣。

賦得沙際路送從叔象

獨樹沙邊人跡稀，欲行愁遠暮鐘時。
野泉幾處侵應盡，不遇山僧知問誰。

送榆次林明府

無嗟千里遠亦是宰王畿策馬雨中去逢人關外稀邑
傳榆石在路遶晉山微別思方蕭索新秋一葉飛

雜言送黎六郎

壽陽公之子

冰壺見底未為清少年如玉有詩名聞話嵩峰多野寺
不嫌黃綬向陽城朱門嚴訓朝辭去騎出東郊滿飛絮
河南庭下拜府君陽城歸路山氛氲山氛氲長不見釣
臺水渌荷已生少姨廟寒花始徧縣閒吏傲與塵隔移

竹疏泉常岸，憤莫言去作折臂官。豈似長安折臂客。

天長寺上方別予西有道

時任京兆府功曹攝高陵宰別田曹盧康戶曹

韓質因
而有作

假邑非拙素，况乃別伊人。聊登釋氏居，攜手戀

一作念

茲

晨高曠出塵表，逍遙滌心神。青山對芳苑，列樹遶

一作盈

通津。車馬無時絕，行子倦風塵。今當遵往路，佇立何由

申。唯持貞白志，以慰心所親。

送黎六郎少府赴陽翟

試吏向嵩陽春山躑躅芳腰垂新綬色衣滿舊芸香喬
樹別時綠客程關外長祗應傳善政日夕慰高堂

送別覃孝廉

思親自當去不第未蹉跎家住青山下門前芳草

一作流水

多秭歸通遠徼平峽注驚波州舉年年事還期復幾何
送開封盧少府

雄藩車馬地作尉有光輝滿席賓常待闌街燭夜歸關
河征旆遠煙樹夕陽微到處無留滯梁園花欲稀

送槐廣落第歸揚州

下第常稱屈少年心獨輕拜親歸海畔似舅得詩名晚
對青山別遙尋芳草行還期應不遠寒露濕蕪城

送汾城王主簿

少年初帶印汾上又經過芳草歸時徧情人故郡多禁
鐘春雨細宮樹野煙和相望東橋別微風起夕波

送澠池崔主簿

邑帶洛陽道年年應此行當時匹馬客今日縣人迎暮

雨投關郡春風別帝城東西殊不遠朝夕待佳聲

送顏司議使蜀訪圖書

軺駕一封急

一作傳

蜀門千嶺曛詎分江轉字但見路緣

雲山館夜聽雨秋猿獨叫羣無為久留滯聖主待遺文

奉送從兄宰晉陵

東郊暮草歇千里夏雲生立馬愁將夕看山獨送行依
微吳苑樹迢遞晉陵城慰此斷行別邑人多頌聲

贈別河南李功曹

宏辭登科拜官

耿耿抱私戚，寥寥獨掩扉。臨觴自不飲，況與故人違。故

人方琢磨，瓊朗代所稀。憲禮更右職，文翰灑天機。聿一作

竭來自東山，羣彥仰餘輝。談笑取高第，綰綬即言歸。洛

都遊燕地，千里及芳菲。今朝章臺別，楊柳亦依依。雲霞

未改色，山川猶夕暉。忽復不相見，心思亂霏霏。

送五經趙隨登科授廣德尉

明經有清秩，當在石渠中。獨往宣城郡，高齋謁謝公。寒

原正蕪漫一作沒，夕鳥自西東。秋日不堪別，淒淒多朔風。

宴別幼遐與君貺兄弟

乖闕

一作乖闕

意方

一作云

弭安知忽來翔累日重歡宴一旦

復離傷置酒慰茲夕秉燭坐華堂契闊未及展晨星出

東方征人慘已辭車馬儼成

一作來

裝我懷自無歡原野

滿春光

一作芳

羣水含時澤野雉鳴朝陽平生有壯志不

覺淚霑裳况自守空宇日夕但彷徨

送宣州周錄事

清時重儒士糾郡屬伊人薄遊長安中始得一交親英

豪若雲集餞別塞城闌高駕臨長路日夕起風塵方念
清宵宴已度芳林春從茲一分手緬邈吳與秦但覩年
運駛安知後會因唯當存令德可以解惰勤

謝櫟陽令歸西郊贈別諸友生

結髮仕事

一作

州縣蹉跎在文墨徒有排雲心何由生羽

翼幸遭明盛日萬物蒙生植獨此抱微痾頽然謝斯職

大歷十四年六月二十三日自鄆縣制除櫟陽令以疾辭歸善福精舍七月二十日賦此詩

世道方

荏苒郊園思偃息為歡日已延君子情未極馳觴

一作驅馳

忽云晏高論良難測遊步清都宮迎風嘉樹側晨起西
郊道原野分黍稷自樂陶唐人服勤在微力佇君列丹
陛出處兩為得

送端東行

世承清白遺

一作世事
留清白

躬服古人言從宦俱守道歸來

共閉門驅車何處去暮雪滿平原

送姚孫還河中

孫一作系

上國旅遊罷故園生事微風塵滿路起行人何處歸留

思芳樹飲惜別暮春暉幾日投關郡河山對掩扉

始除尚書郎別善福精舍

建中二年四月十九日
自前櫟陽令除尚書比

部員
外郎

簡略非世器委身同草木逍遙精舍居飲酒自為足累
日曾一櫛對書常懶讀社臘會高年山川恣遊矚明世
方選士中朝懸美祿除書忽到門冠帶便拘束愧忝郎
署跡謬蒙君子錄俯仰垂華纓飄飄翔輕轂行將親愛
別戀此西澗曲遠峯明夕川夏雨生衆綠迅風飄野路

一作吹
往路

迴首不遑宿明晨下煙閣白雲在幽谷

送常侍御却使西蕃

歸奏聖朝行萬里却銜天詔報蕃臣
本是諸生守文墨今將匹馬靜煙塵
旅宿關河逢暮雨春耕亭鄣識遺民
此去多應收故地寧辭沙塞往來頻

送郝詹事

聖朝列羣彥穆穆佐休明君子獨知止
懸車守國程忠良信舊德文學播英聲
既獲天爵美况將齒位并書奏

蒙省察命駕乃東征皇恩賜印綬歸為田里榮朝野同
稱嘆園綺鬱齊名長衢軒蓋集飲餞出西京時屬春陽
節草木已含英洛川當盛宴斯焉為達生

送蘇評事

季弟仕譙都元兄坐蘭省言訪始忻忻念離當耿耿
嵯峨夏雲起迢遞山川永登高望去塵紛思終難整

一作
整

送李侍御益赴幽州幕

二十揮篇翰三十窮典墳辟書五府至名為四海聞始

從車騎幕今赴嫖姚軍契闊晚相遇草感遽離羣悠悠
行子遠眇眇川塗分登高望燕代日夕生夏雲司徒擁
精甲誓將除國氛儒生幸持斧可以佐功勲無言羽書
急坐闕相思文

自尚書郎出為滁州刺史留別朋友兼示諸弟

少年不遠仕秉笏東西京中歲守淮郡奉命乃征行素
慙省閣姿况忝符竹榮効愚方此始顧私豈獲并徘徊
親交戀愴恨昆友情日暮風雪起我去子還城登塗建

隼旗勒駕望承明雲臺煥中天龍闕鬱上征晨興奉早
朝玉露霑華纓一朝從此去服膺理庶眊皇恩儻歲月
歸復廁羣英

送元錫楊凌

荒林翳山郭積水成秋晦端居意自違况別親與愛歡
筵慊未足離燈悄已對還當掩郡閣佇君方此會

送楊氏女

永日方慙慙出門復悠悠女子今有行大江沂輕舟爾

輩況無恃撫念益慈柔幼為長所育

幼女為楊氏所撫育

兩別泣

不休對此結中腸義往難復留自小闕內訓

言早無恃事姑

貽我憂賴茲託令門仁恤庶無尤貧儉誠所尚資從豈

待

一作在

周孝恭遵婦道容止順其猷別離在今晨見爾

當何秋居間始自遣臨感忽難收歸來視幼女零淚綠

纓流

送中弟

一云送崔肅懿

秋風

一作氣

入疎戶離人起晨朝山郡多風雨西樓更蕭

條嗟予淮海老送子關河遙同來不同去沉憂寧復消

寄別李儋

首戴惠文冠心有決勝籌翩翩四五騎結束向井州名

在相公幕

一作府

丘山恩未酬妻子不及顧親友安得留

宿昔同文翰交分共綢繆忽枉別離札涕淚一交流遠

郡卧殘疾

一作雨

涼氣滿西樓想子臨長路時當淮海秋

送倉部蕭員外院長存

幘被蹉跎老江國情人邂逅此相逢不隨鴛鴦朝天去

遙想蓬萊臺閣重

送王校書

同宿高齋換時節
共看移石復栽杉
送君江浦已惆悵
更上西樓望遠帆

送丘負外還山

長棲白雲表
暫訪高齋宿
還辭郡邑諠
歸泛松江綠
結茅隱蒼嶺
伐薪響深谷
同是山中人
不知往來躅
靈芝非庭草
遼鶴委一作匪池鷺
終當署里門
一表高陽族

附
丘丹奉酬使君送歸山之作

側聞郡守至偶乘黃犢出不別桃源人一見經累日
蟬鳴念秋稼蘭酌動離瑟臨水降麾幢野艇纔容膝
參差碧山路日一作月送江帆疾涉海得驪珠棲梧慙
鳳質媿非鄭公里歸掃蒙龍室

重送丘二十二還臨平山居

歲中始再覲方來又解携纔留野艇語已憶故山棲幽
澗人夜汲深林鳥長啼還持郡齋酒慰子一作此霜露淒

附
丘丹奉酬重送歸山

賣藥有時至自知往來疎遽辭池上酌新得山中書
步出芙蓉府歸乘轂鯨車猥蒙招隱作豈媿班生廬
送鄭端公弟移院常州

時瞻憲臣重禮為內兄全公程儻見責私愛信不慊况
昔陪朝列今茲俱海壖清觴方共酌

一作笑燕

天書忽告遷

豈徒咫尺地使我心思綿應當自此始歸拜雲臺前

送房杭州

孺復

專城未四十暫謫豈蹉跎風雨吳門夜惻愴別情多

送陸侍御還越

居藩久不樂遇子聊一欣英聲頗籍甚交辟迺時珍繡

衣過舊里驄馬輝四鄰

一作輝光
耀四鄰

敬恭尊郡守賤簡具

州民認忝誠所媿思懷方見申置榻宿清夜加邊醺良
辰導塗還盛府行舫遠長津自有賢方伯得此文翰賓

聽江笛送陸侍御

同丘貢
外賦題

遠聽江上笛臨觴一送君還愁獨宿夜更向郡齋聞

附
丘丹同前

離樽聞夜笛寥亮入寒城月落車馬散悽惻主人情

送丘負外歸山居

郡閣始嘉宴青山憶舊居為君量草履且願住籃輿

送崔叔清遊越

忘茲適越意愛我郡齋幽野情豈好謁詩興一相留遠
水帶寒樹闔門望去舟方伯憐文士無為成滯遊

送雲陽鄒儒立少府侍奉還京師

建中即藩守天寶為侍臣歷觀兩都士多閱諸侯人鄒
生乃後來英俊亦罕倫為文頗瓌麗秉度自貞醇甲科
推令名延閣播芳塵再命趨王畿請告奉慈親一鍾信
榮祿可以展歡欣昆弟俱時秀長衢當自伸聊從郡閣
暇美此時景新方將極娛宴已復及離辰一云蕪後乃
離辰一作燕
後省署慙再入江海綿十春今日閭門路握手子歸秦
送豆盧策秀才

歲交冰未泮

一作冰始泮
又作冰水泮

地卑海氣昏子有京師遊始

發吳閶門新黃含遠林微綠生陳根詩人感時節行道
當憂煩古來濩落者俱不事田園文如金石韻豈乏知
音言方辭郡齋榻為一作酌離亭罇無為倦羈旅一去
高飛翻

送王卿

別酌春林啼鳥稀雙旌背日晚風吹却憶回來花已盡
東郊立馬望城池

送劉評事

聲華滿京洛藻翰發陽春未遂鵷鴻舉尚為江海賓吳
中高宴罷西上一遊秦已想函關道遊子冒風塵籠禽
羨歸翼遠守懷交親况復歲云暮凜凜冰霜辰旭霽開
郡閣寵餞集文人洞庭摘朱實松江獻白鱗丈夫豈恨
別一酌且歡忻

送雷監赴闕庭

才大無不備出入為時須雄藩精理行秘府擢文儒詔
書忽已至焉得久踟躕方舟赴朝謁觀者盈路衢廣筵

列衆賓送爵無停迂攀餞誠愴恨

一作恨

賀榮且歡娛長

陪柏梁宴日向丹墀趨時方重右職蹉跎獨海隅

送秦系赴潤州

近作新婚鑷白髯長懷舊卷映藍衫更欲携君虎丘寺
不知方伯望征帆

韋蘇州集卷四

欽定四庫全書

集部

韋蘇州集卷五

六

詳校官太常寺少卿臣陳桂森

檢討臣何思鈞覆勘

總校官編修臣倉聖脉

校對官編修臣陳昌齊

謄錄監生臣張丹昆

欽定四庫全書

韋蘇州集卷五

唐 韋應物 撰

訓答

期盧嵩枉書稱日暮無馬不赴以詩答

佳期不可失終願枉衡門南陌人猶度西林日未昏庭
前空倚杖花裏獨留樽莫道無來駕知君有短轅

任洛陽丞答前長安田少府問

相逢且對酒相問欲何如數歲猶卑吏家人笑著書告

歸應

一作今

未得榮宦又知疎日日生春草空令憶舊居

假中枉盧二十二書示稱卧疾兼訝李二久不訪

問以詩答書因以戲李二

微官何事勞趨走服藥閒眠養不才花裏碁盤憎烏汙
枕邊書卷訝風開故人問訊緣同病芳月相思阻一盃
應笑王戎成俗物遙持麈尾獨徘徊

訓盧嵩秋夜見寄五韻

喬木生夜涼月華滿前墀去君咫尺地勞君千里一作萬

思素秉棲遁志况貽招隱詩坐見林木榮一云坐損願

赴滄洲期何能待歲晏攜手當此時

訓鄭戶曹驪山感懷

蒼山何鬱盤飛閣凌上清先帝昔好道下元朝百靈白
雲已蕭條麋鹿但縱橫泉水今尚暖舊林亦青青我念
綺襦歲色從當太平小臣職前驅馳道出灞亭翻翻日
月旗殷殷鞀鼓聲萬馬自騰驤八駿按轡行日出煙嶠

卷五
綠氛氲麗層甍登臨起遐想沐浴懽聖情朝燕詠無事
時豐賀國禎日和絃管音下使萬室聽海內湊朝貢賢
愚共歡榮合沓車馬喧西聞長安城事往世如寄感深
迹所經申章報蘭藻一望雙涕零

答李瀚三首

孤客逢春暮緘情寄舊遊海隅人使遠書到洛陽秋
馬卿猶有壁漁父自無家想子今何處扁舟隱荻花
林中觀易罷溪上對鷗閒楚俗饒辭客何人最往還

訓柳郎中春日歸揚州南郭見別之作

廣陵三月花正開
花裏逢君醉一迴
南北相過殊不遠
暮潮從去早潮來

酬豆盧倉曹題庫壁見示

掾局勞才子
新詩動洛川
運籌知決勝
聚米似論邊
宴罷常分騎
晨趨又比肩
莫嗟年鬢改
郎署定推先

酬李儋

開門臨廣陌
旭日車駕喧
不見同心友
徘徊憂且煩
都

城二十里居在艮與坤人生所各務乖闊累朝昏湛湛
罇中酒青青芳樹園緘情未及發先此枉璵璠邁世超

驢

一作

高躅尋流得真源明當策疲馬與子同笑言

訓元偉過洛陽夜燕

三載寄關東所懽皆遠違思懷方耿耿忽得覲容輝親
燕在良夜歡携闕中闡問我猶杜門不能奮高飛明燈
照四隅炎炭正可依清觴雖云酌所媿乏珍肥晨裝復
當行寒落星已稀何以慰心曲佇子西還歸

訓韓質舟行阻凍

晨坐枉嘉藻持此慰寢興中獲辛苦奏長河結陰冰皓
曜羣玉發淒清孤景凝

一作澄

至柔反成堅造化安可恒

方舟未得行鑿飲空兢兢苦寒彌時節待泮豈所能何
必涉廣川荒衢且升騰殷勤宣中意庶用達吾朋

李博士弟以余罷官居同德精舍共有伊陸名山
之期久而未去枉詩見問中云宋生昔登覽末
云那能顧蓬華直書鄙懷聊以為答

初夏息衆綠雙林對禪客枉茲芳蘭藻促我幽人策冥
搜企前哲逸句陳往迹髣髴陸渾南迢遞千峯碧從來
遲高駕自顧無物役山水心所娛如何更朝夕晨興涉
清洛訪子高陽宅莫言往來疎駕馬知阡陌

寄訓李博士永寧主簿叔廳見待

解鞍先幾日款曲見新詩定向公堂醉遙憐獨去時葉
霜寒雨落鐘度遠山遲晨策已云整當同林下期
答令狐士曹獨孤兵曹聯騎暮歸望山見寄

共愛青山住近南
行牽吏役背雙驂
枉書獨宿對流水
遙羨歸時滿夕嵐

答李博士

休沐去人遠
高齋出林杪
晴山多碧峯
顥氣凝秋曉
端居喜良友
枉使千里路
緘書當夏時
開緘時已度
簷鷁已颿颿
荷露方蕭颯
夢遠竹窻幽
行稀蘭徑合
舊居共南北
往來只如昨
問君今為誰
日夕度清洛

答劉西曹

時為京兆功曹

公館夜云寂微涼羣樹秋西曹得時彥華月共淹留長
嘯舉清觴志氣誰與儔千齡事雖邈俯念忽已周篇翰
如雲興京洛頗優游論文不獨占理妙即同流淺劣見
推許恐為識者尤空慙文壁贈日夕不能誦

夕一作仄

答貢士黎逢

時任京兆功曹

茂等

一作

方上達諸生安可希栖神澹物表渙汗布令

詞如彼崑山玉本自有光輝鄙人徒區區稱歎亦何為
彌月曠不接公門但

一作役

驅馳蘭章忽有贈持用慰所

思不見心尚密

一作微密

况當相見時

答韓庫部協

良玉表貞度麗藻頗為工名列金閨籍心與素士同日
晏下朝來車馬自生風清宵有佳興皓月直南宮矯翮
方上征顧我邈忡忡豈不願攀舉執事府庭中智乖時
亦蹇才大命有一作為通還當以道推解組守蒿蓬

答崔主簿倬

朗月分林靄遙管動離聲故驩良已徂空宇澹無情窈

窈雲鴈沒蒼茫河漢橫蘭章不可答沖襟徒自盈

答徐秀才

鉛鈍謝貞器時秀猥見稱豈如白玉仙

一作山鶴

方與紫

霞升清詩舞艷雪孤抱瑩玄冰一枝非所貴懷書思武

陵

答東林道士

紫閣西邊第幾峯茅齋夜雪虎行蹤遙看黛色知何處

欲出山門尋暮鐘

一作欲向西山尋暮鐘

答長寧令楊轍

皓月升林表，公堂滿清輝。
嘉賓自遠至，至觴飲夜何其。
宰邑視京縣，歸來無寸資。
瓊文溢衆寶，雅正得吾師。
廣川含澄瀾，茂一作芳樹擢華滋。
短才何足數，枉贈媿妍詞。
歡眄良見屬，素懷亦已披。
何意雲栖翰，不嫌蓬艾卑。
但恐河漢沒，回車首路歧。

答馮魯秀才

晨坐枉瓊藻，知子返中林。
澹然山景晏，泉谷響幽禽。
髣髴

歸謝塵迹逍遙舒道心顧我腰間綬端為華髮侵簿書
勞應對篇翰曠不尋薄田失鋤耨生苗安可任徒令慙
所問想望東山岑

答崔主簿問兼簡溫上人

緣情生衆累晚悟依道流諸境一已寂了將身世浮間
居澹無味忽復四時周靡靡芳草積稍稍新篁抽即此
抱餘素塊然誠寡儔自適一忻意愧蒙君子憂

清都觀答幼遐

逍遙仙家子日夕朝玉皇興高
清露沒渴飲瓊華漿解組
一來款披衣拂天香粲然顧
我笑綠簡發新章泠泠如
玉音一作響馥馥若蘭芳
浩意坐盈此月華殊未央却
念誼諱日何由得清涼疎
松抗一作枕高殿密竹陰長廊
榮名等糞土攜手隨風翔

善福精舍答韓司錄清都觀會宴見憶

弱志厭衆紛抱素寄精廬皦皦仰時彥悶悶平聲獨為愚
之子亦辭秩高蹤罷馳驅忽因西飛禽贈我以瓊琚始

表仙都集復言歡樂殊人生各有因契闊不獲俱一來
田野中日與人事疎水木澄秋景逍遙清賞餘枉駕懷
前諾引領豈斯須一作頃吏無為便高翔邈矣不可迂

答長安丞裴說

出身忝時士於世本無機爰以林壑趣遂成頑鈍姿臨
流意已淒采菊露未稀舉頭見秋山萬事都若遺獨踐
幽人蹤邈將親友違髦士佐京邑懷念枉貞詞久雨積
幽抱清樽宴良知從容操劇務文翰方見推安能戢羽

翼顧此林栖時

奉詔處士叔見示

挂纓守貧賤積雪卧郊園叔父親降趾壺觴携到門高齋樂燕罷清夜道心存即此同疎氏可以一忘言

答庫部韓郎中

高士不羈世頗將榮辱齊適委華冕去欲還幽林栖雖懷承明戀忻與物累睽逍遙觀運流誰復識端倪而我豈高一作能致偃息平門西愚者世所遺沮溺共耕犁風

雪積深夜園田掩荒蹊幸蒙相思札歎曲期見携

答暢校書當

偶然棄官去投跡在田中日出照茅屋園林

一作種園養愚

蒙雖云無一資罇酌會不空且忻百穀成仰歎造化功

出入與民伍作事靡不同時伐南澗竹夜還澧水東貧

蹇自成退豈為高人蹤覽君金玉篇彩色發我容

一作蒙

日日欲為報方

一作歷

春已徂冬

答崔都水

深夜竹庭雪孤燈案上書不過無為化一作誰復得門

居

酬令狐司錄善福精舍見贈

野寺望山雪空齋對竹林我以養愚地生君道者心

澧上精舍答趙氏外甥伉

遠跡出塵表寓身雙樹林如何小子伉一作弟亦有超世

心擔書從我遊攜手廣川陰雲開夏郊綠景晏青山沉

對榻遇清夜獻詩合一作雅音所推苟禮數於性道豈

深隱拙在沖默經世昧古今無為率爾言可以致華簪

答趙氏甥伉

暫與雲林別忽陪駕鷺翔看山不得去知爾獨相望

答端

郊園夏雨歇閒院綠陰生職事方無効幽賞獨違情物
色坐如見離抱悵多盈况感夕涼氣聞此亂蟬鳴

答史館張學士同柳庶子學士集賢院看花見寄

兼呈柳學士

班揚秉文史對院自為隣餘香掩閣去遲日看花頻似
雪飄闔闔從風點近臣南宮有芳樹不並禁垣春

答王郎中

卧問枉芳藻覽旨悵秋晨守郡猶羈寓無以慰嘉賓野
曠歸雲盡天清曉露新池荷涼已至窻梧落漸頻風物
殊京國邑里但荒榛賦繁屬軍興政拙媿斯人髦士久
臺閣中路一漂淪歸當列盛朝一作明豈念卧淮濱

答崔都水

亭亭心中人迢迢居秦關常緘素札去

一作問

適枉華章

還憶在澧郊時攜手望秋山久嫌官府勞初喜罷秩間

終年不事業寢食長慵頑不知為時來

一作何為來

名籍挂

郎間攝衣辭田里華簪耀顏顏卜居又依仁日夕正追

攀牧人本無術命至苟復遷離念積歲序歸途眇山川

郡齋有佳月園林含清泉同心不在宴樽酒徒盈前覽

君陳迹遊詞意俱悽妍忽忽已終日將訓不能宣忙稅

况重疊公門極熬煎責逋甘首免

一作退

歲晏當歸田勿

厭守窮轍

一作勿厭
守窮賤

慎為名所牽

答王卿送別

去馬嘶春草歸人立夕陽元知數日別要使兩情傷

答裴丞說歸京所獻

執事頗勤久行去亦傷乖家貧無僮僕吏卒升寢齋衣服藏內篋藥草曝前階誰復知次第蒨落且安排還期在歲晏何以慰吾懷

答裴處士

遺民愛精舍乘犢入青山來署高陽里不過白衣還禮
賢方化俗聞風自款關況子逸羣士栖息蓬蒿間

答楊奉禮

多病守山郡自得接嘉賓不見三四日曠若十餘旬臨
觴獨無味對榻已生塵一詠舟中作洒雪忽驚新煙波
見棲旅景物具昭陳秋塘唯落葉野寺不逢人白事廷
吏簡閒居文墨親高天池閣靜寒菊霜露頻應當整孤
棹歸來展殷勤

答端

坐憶故園人已老，寧知遠郡鴈還來。
長瞻西北是歸路，獨上城樓日幾迴。

答僊奴重陽二甥

僊奴趙氏甥仇重陽崔氏甥播

棄職曾守拙，翫幽遂忘喧。
山澗依磽壻，竹樹蔭清源。
貧居煙火濕，一作絕歲熟梨棗繁。
風雨飄茅屋，蒿草沒瓜園。

羣屬相歡悅，不覺過朝昏。
有時看禾黍，落日上秋原。
飲酒任真性，揮筆肆狂言。
一朝忝蘭省，三載居遠藩。
復與

諸弟子篇翰每相敦西園休習射南池對芳樽山藥一作
苗經雨碧海榴凌霜鬪念爾不同此悵然復一論重陽
守故家憫子旅湘沅俱有緘中藻惻惻動離魂不知何
日見衣上淚空存

答重陽

省札陳往事愴憶數年中一身朝北闕家累守田農望
山亦臨水暇日每來同性情一疎散園林多清風忽復
隔淮海夢想在澧東病來經時節起見秋塘空城郭連

榛嶺鳥雀噪溝叢坐使驚霜鬢撩亂已如蓬

顧十二左遷過韋蘇州房杭州韋睦州三使君皆
有郡中燕集詩辭章高麗鄙夫之所仰慕顧生
既至留連笑語因亦成篇以繼三君子之風焉

附
信州刺史劉太真上

寵至乃不驚罪及非無由奔迸歷畏途緬邈赴偏作

荒

陬牧此彫弊亡屬當賦斂秋夙興諒無補旬暇焉

敢休前日懷友生獨登城上樓迢迢西北望遠思不

可收今日車騎來曠然銷人憂晨迎東齋飯晚度南
溪遊以我碧流水泊君青翰舟莫將遷客程不為勝
景留飛札謝三守斯篇希見酬

酬劉侍郎使君

瓊樹凌霜雪蔥蒨如芳春英賢雖出守本是玉階人宿
昔陪郎署出入仰清塵孰云俱列郡比德豈為鄰風雨
飄海氣清涼悅心神重門深夏盡賦詩延衆賓方以歲
月舊每蒙君子親繼作郡齋什遠贈荆山珍高間一作山城

庶務理遊眺景物新朋友亦遠集燕酌在佳辰始唱已
慙拙將酬益難伸濡毫意僂俛一用寫情勤

硤州旅舍奉懷蘇州韋郎中

公頻有尺書頗
積離鄉之思

附
令狐峘上

儒服學從政遂為塵事嬰銜命東復西孰堪異鄉情
懷祿且懷恩策名敢逃名羨彼農畝人白首親友并
江山入秋氣草木彫晚榮方塘寒露凝旅館涼飈生
懿交守東吳夢想聞頌聲雲水方浩浩離憂何時平

答令狐侍郎

一凶迺一吉一是復一非孰能逃斯理亮在識其微三
黜故無愠高賢當庶幾但以親交戀音容邈難希况惜
別離久俱忻藩守歸朝宴方陪廁山川又乖違吳門冒
海霧峽路凌連磯同會在京國相望涕沾衣明時重英
才當復列彤闈白玉雖塵垢拂拭還光輝

酬張協律

昔人鬻春地今人復一賢屬余藩守日方君卧病年麗

思阻文

一作交

宴芳蹤闕賓筵經時豈不懷欲往事屢牽

公府適煩倦開緘瑩新篇非將握中寶何以比其妍感
茲棲寓詞想復痾瘵纏空宇風霜交幽居情思綿當以
貧非病孰云白未玄邑中有其人憔悴即我愆由來牧
守重英俊得薦延匪人等鴻毛斯道何由宣遭時無早
晚蘊器俟良緣觀文心未衰勿藥疾當痊一云勿藥當自痊晨
期簡牘罷馳慰予忉然

即事奉呈郎中使君

附 東海釣客試秘書省校書郎秦系

久卧雲間已息機
青袍忽著狎鷗飛
詩興到來無一事
郡中今有謝玄暉

答秦十四校書

知掩山扉三十秋
魚鬚翠碧棄牀頭
莫道謝公方在郡
五言今日為君休

答賔

斜月纔鑒帷凝霜
偏冷枕持情須耿耿
故作單牀寢

答鄭騎曹青橘絕句

一作故人重九日
求橘書中戲贈

憐君卧病思新橘
試摘猶酸亦未黃
書後欲題三百顆
洞庭須待滿林霜

奉和聖製重陽日賜宴

聖心憂萬國
端居在穆清
玄功致海晏
錫讌表文明
恩屬重陽節
雨應此時晴
寒菊生池苑
高樹出宮城
捧藻千官處
垂戒百王程
復覩開元日
臣愚獻頌聲

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲言歸一作

伯仲侍
言歸

亭高性情曠職密交遊稀賦詩樂無事解帶偃

南扉陽春美時澤旭霽望山暉幽禽響未轉

一作好鳥
幽未轉

東原綠猶微名雖列仙爵心已遣一作塵機即事同巖

隱聖渥良難違

奉和張大夫戲示青山郎

天生逸世姿竹馬不曾騎覽卷冰將釋援毫露欲垂金
貂傳幾葉玉樹長新枝榮祿何妨早甘羅亦小兒

答河南李士巽題香山寺

洛都游宦日少年攜手行投杯起芳席摠轡振華纓關
塞有佳氣巖開伊水清攀林憩佛寺登高望都城蹉跎
二十載世務各所營茲賞長在夢故人安得并前歲守
九江恩召赴咸京因塗再登歷山河屬清明寂寞僧侶
少蒼茫林木成墻宇或崩剝不見舊題名舊遊况存歿
獨此淚交橫交橫誰與同書壁貽友生今茲守吳郡綿
思方未平子復經陳迹一感我深情遠蒙惻愴篇中有

金玉聲反覆終難答金玉尚為輕

答故人見諭

素寡名利心自非周圓器徒以歲月資屢蒙藩條寄時
風重書札物情敦貨遺機杼十緇單慵疎百函愧常負
交親責且為一官累况本濩落人歸無置錫地省己已
知非枉書見深致雖欲効區區何由枉其志

訓閭員外陟

寒夜阻良覲叢竹想幽居虎符予已誤金丹子何如醺

集觀農暇笙歌聽訟餘雖蒙一言教自愧道情疎

逢遇

長安遇馮著

客從東方來衣上灞陵雨問客何為來

一作來何為

采山因

買芥冥冥花正開

一作滿

颺颺驚新乳昨別今已春鬢絲

生幾縷

將發楚州經寶應縣訪李二忽於州館相遇月夜

書事因簡李寶應

孤舟欲夜發祇為訪情人此地忽相遇留連意更新停
杯嗟別久對月言家貧一問臨邛令如何待上賓

廣陵遇孟九雲卿

雄藩本帝都遊士多俊賢夾河樹鬱鬱華館十里連新
知雖滿堂中意頗未宣忽逢翰林友歡樂斗酒前高丈
激頽波四海靡不傳西施且一笑衆女安得妍明月滿
淮海哀鴻逝長天所念京國遠我來君欲獨一作還
一作又旋

淮上遇洛陽李主簿

結茅臨古渡，卧見長淮流。
窻裏人將老，門前樹已秋。
寒山獨過鴈，暮雨遠來舟。
日夕逢歸客，那能忘舊遊。

路逢崔元二侍御避馬見招以詩戲贈

一臺稱二妙，歸路望行塵。
俱是攀龍客，空為避馬人。
見招翻跼踖，相問良殷勤。
日日吟趨府，彈冠豈有因。

逢楊開府

少事武皇帝，無賴恃恩私。
身作里中橫，家藏亡命兒。
朝

持

一作枿
一作拆

檣蒲局暮竊東鄰姬，
司隸不敢捕，立在一作

一作登

白玉墀驪山風雪夜長楊羽獵時一字都不識飲酒肆
頑癡武皇升仙去憔悴被人欺讀書事已晚把筆學題
詩兩府始收跡南宮謬見推非才果不容出守撫婢妾
忽逢楊開府論舊涕俱垂坐客何由識唯有故人知

休假日訪王侍御不遇

一本訪李廓

九日驅馳一日間尋君不遇又空還怪來詩思清人骨
門對寒流雪滿山

因省風俗訪道士姪不見題壁

去年澗水今不流
去年杏花今又拆
山人歸來問是誰
還是去年行春客

韋蘇州集卷五